



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXIII. Indultum Priori Generali Fratrum Ordinis Beatæ Mariæ de Monte Carmelo concessum, conferendi lauream Doctoratus in Collegio Sanctæ Mariæ Transpontinæ de Urbe Fratribus ejusdem Ordinis, qui ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

1668.

Concedit
prout in rub.

§. 3. Nos igitur ejusdem Petri vocis favorabiliter annuere volentes, eumque à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa latis, si quibus quomodolibet innodatus existit, ad effectum presentium tantum consequendum harum serie absolventes, & absolutum fore censentes hujusmodi supplicationibus inclinati, de nonnullorum Romanæ Curie Prælatorum, à nobis super negotio hujusmodi specialiter deputatorum consilio, prædictam Clementis prædecessoris Constitutionem, per quam locus ejus ciborum Paschalis pro Fratribus dicti Ordinis, ad Infirmarias Conventuum restringitur, auctoritate Apostolica tenore presentium ita moderamus, ut eisdem Fratribus liceat etiam extra Infirmarias hujusmodi cibis Paschalibus vesci durante necessitate accessus, recessus, & moræ ad balnea, de consilio Medici, & cum licentia Superiorum, quorum conscientiam oneramus; ita tamen ut in reliquis nihil relaxatum intelligatur disciplinæ regularis.

Contrariis
derogat.

§. 4. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari; Sicque in præmissis per quoscumque Judices Ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane quidquid fecus super his à quoquam quavis auctoritate, scienter, vel ignoranter contigerit tentari, non obstante prædicta Clementis prædecessoris, aliisque Constitutionibus, & Ordinationibus Apostolicis, cæterisque contrariis quibuscumque.

Transumptio-
rum fides.

§. 5. Volumus autem, ut eorundem presentium litterarum transumptis seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem ubique fides adhibeatur, quæ presentibus ipsis adhiberetur si forent exhibitæ, vel ostensæ.

Dat. P. An. i.
die 19. Junii.

Datum Romæ apud Sanctam Mariam Majorem sub Annulo Piscatoris die 19. Junii 1668. Pontificatus nostri Anno primo.

XXIII.

Indultum Priori Generali Fratrum Ordinis Beatæ Mariæ de Monte Carmelo concessum, conferendi lauream Doctoratus in Collegio Sanctæ Mariæ Transpontinæ de Urbe Fratribus ejusdem Ordinis, qui titulo Magisterii sunt insigniti.

Edita A. D.
1668.

C L E M E N S P A P A I X .

Ad perpetuam rei memoriam.

Prooemium.

Dum scilicet rec. Urbano PP. VIII. prædecessori nostro pro parte quon. Theodori Stratii tunc temporis Prioris Generalis Fratrum Ordinis Beatæ Mariæ de Monte Carmelo expositum quod ipse juxta regularia d. Ordinis instituta Apostolica auctoritate confirmata, Ordinis hujusmodi professorum, qui eos cursus lectionum, vel exercitia litterarum peregerant, quæ secundum earundem regularium Institutorum formam, & tenorem requirebantur, ejusdem Ordinis Magistros in Sacra Theologia creandi, & instituendi facultatem habebat, dummodo tamen iidem professores Magisterii, sive doctoratus in eadem Sacra Theologia lauream in aliqua approbata Studii generalis Universitate susciperent.

§. 1. Quia verò in suscipienda Magisterii, sive Doctoratus in Universitate generali hujusmodi laurea intolerabiles pecuniarum summas expendantur erant, in magnum pauperum inter Mendicantes Religionis detrimentum, & Collegium

Bullarium Romanum. Tom. VI.

S. Theresiæ Salamantin. ejusdem Ordinis semper habuerat, & in posterum habiturum sperabatur Regentes, & in eadem Sac. Theologia Magistros doctos, & in literarum exercitiis maxime versatos, per eundem Theodorum Priorem Generalem præfato Urbano prædecessori supplicato, ut, quo debitus virtutis honos ejusdem Ordinis Provinciarum Hispaniæ, & Lusitaniæ professoribus qui in artibus, & Sacra Theologia hujusmodi studiis cursum perfecissent, & alias digni, & idonei essent, sublatis expensis hujusmodi haberetur, super præmissis opportunè providere de benignitate Apostolica dignaremur.

Constitutio
Urb. VIII.

§. 2. Idem Urbanus prædecessor hujusmodi supplicationibus inclinatus, præfato Theodoro, & pro tempore existenti Priori Generali d. Ordinis omnibus, & singulis ejusdem Ordinis, & Provinciarum præfatarum professoribus, quos absolutis per eos cursu, lectionibus, vel exercitiis literarum à Regularibus d. Ordinis institutis, ut præfertur requisitis, & servatis aliis servan. Magistris in eadem Sacra Theologia crearet, & institueret, quod illi in præfato Collegio Salamantin. S. Theresiæ cum rigoroso examine, & approbatione Regentium, & aliorum Magistrorum ejusdem Collegii, ac servatis aliis conditionibus juxta regularia Instituta hujusmodi necessariis à Superiore ejusdem Collegii Magisterii, sive doctoratus in eadem Sacra Theologia lauream suscipere liberè, & licitè possent, & valeret, concedendi, & indulgendi facultatem, auctoritate Apostolica concessit, & aliis prout in ipsis Urbani prædecessoris literis desuper in simili forma Brevis die 26. Augusti 1634. expeditis, quarum tenorem presentibus pro plenè, & sufficienter expresso, & inserto haberi volumus, uberius continetur. Cum autem sicut pro parte dilectorum filiorum Mathæi de Orlando, ac Andree Lao Prioris, & Procuratoris generalium d. Ordinis respectivè Nobis nuper expositum fuit majori parti Fratrum ejusdem Ord. valdè incommodum sit lauream doctoralem hujusmodi consequen. ergò, ad memoratum Conventum Salamantin. accedere, Nobis propterea dd. Exponentes humiliter supplicari fecerunt, ut in præmissis opportunè providere, & ut infra indulgere de benignitate Apostolica dignaremur.

Confirmat
prout in Rub.

§. 3. Nos igitur dictos exponentes specialibus favoribus, & gratis prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa latis, si quibus quomodolibet innodatæ existunt ad effectum presentium dumtaxat consequen. harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, præfato Mathæo moderno, & pro tempore existenti Priori Generali Ordinis præfati petitam facultatem conferendi lauream doctoralem illis Fratribus qui ex præscripto Constitutionum Ordinis hujusmodi magisterio insigniti fuerint auctoritate Apostolica tenore presentium concedimus; Ita tamen, ut illa extra Collegium Salamantinum non nisi in Collegio Sanctæ Mariæ Transpontinæ de Urbe ejusdem Ordinis, uti possit, ac salva semper in præmissis auctoritate Congregationis eorundem Cardinalium.

Decretum
irritans.

§. 4. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari. Sicque in præmissis per quoscumque Judices Ordinarios, & delegatos etiam causarum Palatii Apostolici Auditores judicari, & definiri

debere,

Z 2

Contrariis derogat.

debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, ac quatenus opus sit d. Ordinis, ejusque Provinciarum, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & insertis habentes, illis aliàs in suo robore permanentibus, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque.

Dat. P. A. 2. die 20. Julii.

Datum Romæ apud S. Mariam Majorem sub Annulo Piscatoris, die 20. Julii 1668. Pontificatus Nostri Anno secundo.

XXIV.

Concesso Indulgentiarum pro Confraternitatibus B. MARIÆ de Mercede Redemptionis Captivorum cum Indulto erigendi, instituenti, & aggregandi similes Confraternitates.

Edita An. D. 1668.

CLEMENS EPISCOPUS

Servus Servorum Dei. Ad perpetuam rei memoriam.

Exordium.

IN supereminenti Apostolicæ Dignitatis specula meritis licet imparibus à Domino sublimati ad universos in vinea Domini, quæ est ejus Ecclesia curæ nostræ divinitus commissa, ad animarum salutem providè confitos, & Sedis Apostolicæ benigno favore alitos, Religiosorum hominum Ordines acies mentis nostræ inflectentes, & inter eos Ordinem Fratrum B. MARIÆ de Mercede nuncupatæ, sicut nomine, & professione Captivorum, quos ex Christi fidelibus dura immanium Christiani nominis hostium servitus miseros premit, redemptioni additum, ita in redimendis hujusmodi Captivis fratrum suorum pietatis studio, & vigilantia singulari cum fructuum ubertate pari conuiscare contemplantes; Nos ei ea per quæ, non solum confoveri, sed multis cum incrementis sese efferre, & elatos ramos charitatis, & pietatis in miserorum hujusmodi sublevamen, pro talento sibi à Domino, qui omnibus dat prout vult, commisso latius diffundere, & expandere valeat, eo libentius, & liberaliori manu, apertis spiritualium gratiarum, quarum dispensatores facti fuimus, Thesauris elargimur, & erogamus quo magis id ad Dei gloriam, & animarum salutem judicamus in Domino successurum.

§. 1. Exhibita siquidem Nobis nuper pro parte Dilectorum filiorum Matthiæ Cubells antiquæ observantiæ, & Andreæ à Sancto Joseph familiæ Reformatæ Ordinis Beatæ MARIÆ de Mercede nuncupatæ Redemptionis Captivorum Procuratorum Generalium petitio continebat; Quod cum à nonnullis Romanis Pontificibus prædecessoribus nostris Religiosis, & Fratribus dicti Ordinis, diversas Confraternitates, seu Congregationes personarum sæcularium utriusque sexus erigendi, seu præfati Ordini, vel ejus singulis respectivè domibus regularibus, uniendo, & incorporandi, seu eidem Ordini aggregandi, ipsisque, & eorum sæcularibus personis, sibi competentia privilegia, Indulgentias, & gratias spirituales, facultates, & indulta sibi concessa communicandi attributa sit facultas, seu similes erigendi Confraternitates, & Congregationes, consuetudo usu recepta fuerit, & non solum Religiosi præfati Ordinis, sed utique etiam Confraternitates, & Congregationes, ac sæculares earum personæ hujusmodi Captivorum sub duro Barbarorum jugo languentium, redemptioni,

& libertati sedulo incumbant. Quare ut Religiosi Ordinis, ac Confraternitatum, seu Congregationum hujusmodi sæculares personæ ad opus tam pium, & necessarium efficacius incitentur, & ne indulgentiæ ipsi Ordini, & facultates, ut præfertur erigendi, & aggregandi, de cætero propter aliquas limitationes, seu revocationes aliquorum Romanorum Pontificum prædecessorum nostrorum in dubium aliquando revocari possint; pro parte dictorum Matthiæ, & Andreæ Nobis fuit humiliter supplicatum, quatenus in præmissis opportunè providere de benignitate Apostolica digneremur.

§. 2. Nos igitur, qui pia singulorum Ordinum Religiosorum, in Ecclesia Dei rectè institutorum, quibuscumque cum Domino possumus modis omnibus promovere studemus eosdem Matthiam, & Andream, ac Ordinis, & singularum Confraternitatum hujusmodi singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodati & innodata exitunt ad effectum præsentium tantum consequentium harum serie absolventes, & absolutos, ac absolutos fore censentes, hujusmodi supplicationibus inclinati ex voto Venerabilium Fratrum nostrorum S. R. E. Cardinalium super Indulgentiis, sacrisque Reliquiis concedendis Præpositorum, Religiosis præfati Ordinis, ac singularum Confraternitatum, seu Congregationum, eidem Ordini, seu alicui ex ejus Domibus Regularibus aggregatarum, illarumque personis utriusque sexus, qui Captivorum hujusmodi Redemptioni incumbunt, ubicumque degentibus, cæterisque utriusque sexus Christi fidelibus, verè pœnitentibus, & confessis, qui aliquam ex Confraternitatibus prædicto Ordini, seu alicui ejus domui regulari annexam, aggregatam, seu unitam, de cætero ingredientur, die prima eorum ingressus, si Sanctissimum Eucharistiæ Sacramentum sumpserint.

§. 3. Ac nunc, & pro tempore existentibus, dictarum Confraternitatum Confratribus, ubilibet decedentibus etiam verè pœnitentibus, & confessis, ac Sacra Communione, si id commodè fieri poterit, resectis, vel saltem contritis, in eorum mortis articulo, nomen JESU corde, si ore nequiverint, devotè invocantibus; Præterea ipsis Confratribus, etiam verè pœnitentibus, & confessis, ac eadem sacra Communione resectis, qui aliquam Ordinis, vel Confraternitatum hujusmodi Ecclesiam, seu Oratorium ultima Dominica mensis Julii à primis Vesperis usque ad occasum solis diei Dominicæ hujusmodi annis singulis devotè visitaverint; Quive scapularii, quæ singulis mensibus, ac duabus aliis solemnibus Processionibus, quarum prima tempore publicationis Missionis Religiosorum ipsius Ordinis, pro redimendis Captivis, altera verò post eorumdem Captivorum redemptionem, de more celebrantur, devotè interfuerint, & pias ad Deum preces pro Sanctæ Matris Ecclesiæ exaltatione, inter Christianos Principes concilianda, & fovenda pace, hæresum extirpatione, Infidelium conversione, ac Romani Pontificis salute, effuderint, qua Dominica, seu aliis diebus hujusmodi id pro tempore fecerint; Quive ad partes eorundem Infidelium pro miseris Christi fidelibus inibi sub misero servitutis jugo deservientibus redimendis progredientur, si ante illorum discessum, ac post illorum reditum; iis verò qui è Barbarorum servitute redimentur, si infra mensem à die illorum, Redemptionis computandum, idem SS. Eucharistiæ Sacramentum sumpserint, & ut præfertur oraverint, plenariam omnium peccatorum suorum Indulgentiam, & remissionem Apostolica auctoritate tenore præsentium concedimus, & elargimur. Ac etiam eidem Confratribus, habitum dictarum Confraternitatum deferentibus, si

Que omnia continentur.

Indulgentia Confratribus largitur.

verè